

ერთი მხრივ საქართველოს საკონსტიტუციო სასამართლო (შემდგომში „შემსყიდველი“) წარმოდგენილი ეკონომიკური დეპარტამენტის უფროსის მოადგილის მერაბ ჯოჯუას სახით და მეორეს მხრივ, სს „სადაზღვევო კომპანია ალფა“ (შემდგომში „მიმწოდებელი“) წარმოდგენილი მისი გენერალური დირექტორის კახაბერ დიასამიძის სახით, სახელმწიფო შესყიდვების კანონის და პრეტენდენტის (სს „სადაზღვევო კომპანია ალფა“) სატენდერო წინადადების საფუძველზე, გამარტივებული ელექტრონული ტენდერის (SPA170003137) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – შესაბამისად, კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურების მიწოდებას ხელშეკრულების ფარგლებში.
- 1.6. „მომსახურება“ – წინამდებარე ხელშეკრულების შესაბამისად სატრანსპორტო საშუალებათა დაზღვევა.
- 1.7. „ტექნიკური დავალება“ – „მიმწოდებლის“/„ზღვეველის“ მიერ წარდგენილი სატენდერო დოკუმენტაციის ტექნიკური დავალება, რომელიც თან ერთვის წინამდებარე ხელშეკრულებას დანართი N1-ის სახით (დაზღვევის პირობები) და წარმოადგენს მის განუყოფელ ნაწილს.
- 1.8. „მოსარგებლე“ – პირი, რომელიც წინამდებარე ხელშეკრულებისა და საქართველოში მოქმედი კანონმდებლობის შესაბამისად უფლებამოსილია მიიღოს სადაზღვევო ანაზღაურება.
- 1.9. „სადაზღვევო პოლისი“ – დაზღვევის დამადასტურებელი საბუთი, რომელიც „შემსყიდველს“/„დამზღვევს“ აძლევს უფლებას სადაზღვევო შემთხვევის დადგომისას მოითხოვოს სადაზღვევო ანაზღაურება.
- 1.10. „დაზღვევის პერიოდი“ – პოლისში მითითებული დროის მონაკვეთი, რომლის განმავლობაშიც ძალაშია დაზღვევა.
- 1.11. „სადაზღვევო თანხა“ – წინამდებარე ხელშეკრულებასა და პოლისში მითითებული ანაზღაურების მაქსიმალური ლიმიტი, რომლის ფარგლებშიც „მიმწოდებელი“/„ზღვეველი“ კისრულობს ვალდებულებას გასცეს სადაზღვევო ანაზღაურება ხელშეკრულების პირობების შესაბამისად.
- 1.12. „სადაზღვევო ანაზღაურება“ – თანხა ან მომსახურება, რომელიც „მიმწოდებლისგან“/„ზღვეველისგან“ ეკუთვნის „დამზღვევს“/„მოსარგებლეს“ „სადაზღვევო შემთხვევის“ დადგომისას.
- 1.13. „სადაზღვევო შემთხვევა“ – ფაქტობრივად დამდგარი შემთხვევა, როდესაც წინამდებარე ხელშეკრულება ითვალისწინებს „მიმწოდებლის“/„ზღვეველის“ მიერ „სადაზღვევო ანაზღაურების“ გადახდას.
- 1.14. „საგზაო-სატრანსპორტო შემთხვევა“ – საავტომობილო გზაზე სატრანსპორტო საშუალების მოძრაობისას და მისი მონაწილეობით წარმოქმნილი მოვლენა, რომლის დროსაც დაზარადა ან დაიღუპა ადამიანი, დაზიანდა სატრანსპორტო საშუალება, ტვირთი, ნაგებობა და სხვა.



1.15. „ტერიტორიული ლიმიტი“ – ტერიტორია, რომელზეც ვრცელდება წინამდებარე ხელშეკრულებით გათვალისწინებული დაზღვევა (საქართველო, სომხეთი, აზერბაიჯანი, თურქეთი).

1.16. „უფლებამოსილი მძღოლი“ - ავტომობილის მართვის უფლების მქონე საკონსტიტუციო სასამართლოს თანამშრომელი.

1.17. „სრული ზარალი“ - შემთხვევა, როდესაც ავტომანქანის აღდგენის ღირებულება შეადგენს სადაზღვევო შემთხვევის დადგომისას სადაზღვევო თანხის 70%-ს ან მეტს ან ავტომანქანა გატაცებულია და მისი პოვნა ვერ მოხერხდა.

2. ხელშეკრულების საგანი

2.1 მზღვეველი/მიმწოდებელი ვალდებულია უზრუნველყოს საკონსტიტუციო სასამართლოს ბალანსზე არსებული 1 (ერთი) ავტომობილის სადაზღვევო მომსახურება. სადაზღვევო მომსახურების ღირებულება შეადგენს **5375,00 (ხუთათასსამასამოცდათხუთმეტი)** ლარს. ხელშეკრულების ღირებულების დეტალური ხარჯთაღრიცხვა მოცემულია წინამდებარე ხელშეკრულების დანართი N2-ში (ფასების ცხრილი).

2.2 მზღვეველი ვალდებულია სადაზღვევო მომსახურება გასწიოს შემდეგი პირობებით:

2.2.1. მიმწოდებელი ვალდებულია უზრუნველყოს შემსყიდველის/დამზღვევის ბალანსზე რიცხული შემდეგი ავტომობილის დაზღვევა: (CPV 665 141 10)

N	ავტომობილების დასახელება	გამოშვების წელი	პრავის მოცულობა	საიდენტიფიკაციო ნომერი	სადაზღვევო ღირებულება
1	ტოიოტა ლენდ კრუიზერ LC-200	2016	4.5 TAD	JTMCV02J904214000	176150,00


2.3. სადაზღვევო პირობები:

საქართველოს საკონსტიტუციო სასამართლოს მიერ შესყიდული ავტო დაზღვევა უნდა აკმაყოფილებდეს შემდეგ მინიმალურ მოთხოვნებს:

2.3.1. მზღვეველმა უნდა აანაზღაუროს ავტომობილის სრული განადგურება/ზარალი ან ნაწილობრივი ზარალი ქვემოთ მითითებულ შემთხვევებში:

- ავტოსაგზაო შემთხვევა;
- ქურდობა, ყაჩაღობა;
- ხანძარი, აფეთქება;
- მესამე პირთა ბოროტგანზრახული ქმედება, ვანდალიზმი, საგნების ვარდნა;
- სტიქიური მოვლენები - წყალდიდობა, დიდთოვლობა, გრიგალი, ქარიშხალი, ატმოსფეროში ბუნებრივი პროცესებით გამოწვეული ჰაერის მასების მოძრაობა 25 მ/წმ-ზე მეტი სიჩქარით, სეტყვა, მეწყერი, ღვარცოფი;
- მინების, სარკეების, დეტალებისა და აქსესუარების ცალკეული დაზიანება ან/და ქურდობა.

მზღვეველი ვალდებულია აანაზღაუროს ზემოთ ჩამოთვლილ შემთხვევებში დამზღვევისათვის მიყენებული ზარალი 100%-ის ოდენობით (ფრანშიზა-0%). მზღვეველი ვალდებულია აანაზღაუროს ზემოთ ჩამოთვლილი ყველა ხარჯი სადაზღვევო ღირებულების ფარგლებში. თუ მიმწოდებელი მიიჩნევს, რომ ავტომობილის სადაზღვევო ღირებულება აღემატება მის საბაზრო ღირებულებას, სადაზღვევო შემთხვევის დადგომისას იგი უფლებამოსილია დამზღვევისათვის მიყენებული ზარალის ფულადი ანაზღაურების სანაცვლოდ შემსყიდველს მიაწოდოს დაზიანებული ავტომობილის იდენტური ავტომობილი, იმ მდგომარეობაში, რომელშიც იგი იმყოფებოდა სადაზღვევო შემთხვევის დადგომამდე.



2.3.2. მზღვეველი ვალდებულია აანაზღაუროს მესამე პირის სიცოცხლის, ჯანმრთელობისა ან/და ქონებისათვის სატრანსპორტო საშუალებით მიყენებული ზიანი (ასანაზღაურებელი ზიანის ლიმიტი 10000 (ათი ათასი) ლარი, ფრანშიზა-0%).

2.3.3. დამატებით მზღვეველმა წელიწადში ერთხელ 1500 USD-ის (ექვივალენტი ეროვნულ ვალუტაში) ფარგლებში უნდა აანაზღაუროს მინების/სარკეების ცალკეული დაზიანება/ქურდობიდან და დეტალების/აქსესუარების ცალკეული დაზიანება/ქურდობიდან წარმოშობილი ზიანი და მიწისძვრით ან სეტყვით მიყენებული დაზიანებისაგან წარმოშობილი ხარჯი 100%-ით.

2.3.4. მზღვეველი ვალდებულია აანაზღაუროს სადაზღვევო შემთხვევასთან დაკავშირებული:

- სასწრაფო სამედიცინო მომსახურების ხარჯები;
- ხარჯები, რომლებიც დაკავშირებულია სადაზღვევო შემთხვევისას დაზღვეული ავტოტრანსპორტის ევაკუაციასთან.
- ხარჯები, რომლებიც გამოწვეულია სადაზღვევო შემთხვევის შედეგად დაზიანებული დაზღვეული ავტომობილის ავტოსადგომზე დაყოვნებასთან.

2.3.5. სპეციალური პირობა:

მზღვეველი არ არის უფლებამოსილი 1 000,0 (ათასი) ლარამდე ზარალის ანაზღაურებისათვის მოითხოვოს საპატრულო პოლიციის აქტი (დაზარალებული მესამე პირის არარსებობის შემთხვევაში.)

2.3.6. მზღვეველი ვალდებულია დაზიანებული ავტომობილის შესაკეთებლად გამოიყენოს მხოლოდ ახალი სათადარიგო ნაწილები (ნაწილის შერჩევა ხდება შემსყიდველთან შეთანხმებით). მეორადი ნაწილების გამოყენება დასაშვებია მხოლოდ შემსყიდველთან შეთანხმების შემთხვევაში.

2.3.7. სადაზღვევო შემთხვევის დადგომისას ზიანის ანაზღაურების ვადა არ უნდა აღემატებოდეს ზიანის ანაზღაურებისათვის საჭირო დოკუმენტაციის სრულყოფილად წარდგენიდან 5 სამუშაო დღეს.

2.3.8. მზღვეველი ვალდებულია აანაზღაუროს ზიანი, რომელიც მოჰყვა საქართველოს, სომხეთის, აზერბაიჯანისა და თურქეთის ტერიტორიებზე მომხდარ სადაზღვევო შემთხვევას.

2.4. სადაზღვევო პაკეტის ფარგლებში დასაშვებია არ ანაზღაურდეს:

- ქურდობით/ყაჩაღობით გამოწვეული ზარალი, თუ ამ დროს დაზღვეულ ავტომობილში ან ავტომობილზე დატოვებულია გასაღები, დაწეულია მინები და/ან ღიაა კარი.
- გაუფასურება, ამორტიზაცია, ცვეთა, მექანიკური და ელექტროსისტემების/ნაწილების მწყობრიდან გამოსვლა ისეთი მიზეზით/რისკებით, რაც არ არის გათვალისწინებული (დაფარული) ამ ხელშეკრულებით;
- რეაქტიული თვითმფრინავის ან სხვა საფრენი აპარატით წარმოქმნილი ტალღით გამოწვეული დაზიანება;
- ავტომობილის შეკეთების შედეგად წარმოქმნილი გაუფასურება;
- კონფისკაცია, დაპატიმრება, დაკავება ან სახელმწიფო ორგანოების დავალებით გამოწვეული დაზიანება/ზარალი;
- ზარალი, გამოწვეული მექანიკური ანდა ელექტროსისტემების/ნაწილების მწყობრიდან გამოსვლით, რომელიც არ უკავშირდება სადაზღვევო შემთხვევას;
- ნებისმიერი სარემონტო ხარჯი, რომლებიც გამოწვეულია დაზღვევამდე არსებული მიზეზით;
- ინტერიერის, სავარძლების, შალითების, ხალიჩების, ტენტების, სალონის საფარი ბრუნვების დაზიანება, გარდა იმ შემთხვევისა, როდესაც ასეთი დაზიანება გამოწვეულია პუნქტში მითითებული სადაზღვევო შემთხვევით.



3. დაზღვევის პირობები

- 3.1. ავტოსატრანსპორტო საშუალების დაზღვევის პირობები „დანართი N1-ის“ სახით თან ერთვის ხელშეკრულებას და წარმოადგენს მის განუყოფელ ნაწილს,
- 3.2. ავტოსატრანსპორტო საშუალების დაზღვევისათვის შემსყიდველის მიერ გადასახდელი სადაზღვევო პრემიის ოდენობა განისაზღვრება „დანართი N2-ის“ (ფასების ცხრილი - ხარჯთაღრიცხვა) შესაბამისად.

4. ანგარიშსწორების ფორმა და წესი

- 4.1. სადაზღვევო პოლისის (აუცილებელია პოლისში ინფორმაცია იყოს ქართულ და ინგლისურ ენაზე) მიწოდება მოხდება ქალაქ ბათუმში კ. გამსახურდიას ქ. N8-10, ხელშეკრულების გაფორმებიდან არაუგვიანეს 5 (ხუთი) სამუშაო დღის ვადაში.
- 4.2. სადაზღვევო შენატანის (პრემიის) გადახდა მოხდება უნაღდო ანგარიშსწორების გზით, ეროვნულ ვალუტაში, კვარტალურად, კვარტალის ბოლოს მზღვეველის მიერ მომსახურების ღირებულების დამადასტურებელი დოკუმენტის (ინვოისი, ურთიერთშედეგების აქტი) წარმოდგენიდან 10 სამუშაო დღის ვადაში.
- 4.3. ანგარიშსწორება განხორციელდება გადახდის გრაფიკის შესაბამისად, სადაც გაწერილია საკონსტიტუციო სასამართლოს მიერ კვარტალურად გადასახდელი სადაზღვევო შენატანის (პრემიის) ოდენობა ხელშეკრულების ჯამური ღირებულების გათვალისწინებით. გადახდის გრაფიკი „დანართი N3“-ის სახით თან ერთვის ხელშეკრულებას და წარმოადგენს მის განუყოფელ ნაწილს.

5. მხარეთა უფლება-მოვალეობანი

5.1. შემსყიდველი უფლებამოსილია:


- 5.1.1. ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულების ინსპექტირება;
- 5.1.2. მოითხოვოს მიმწოდებლისგან ხელშეკრულების ყველა პუნქტის სათანადო და კეთილსინდისიერი შესრულება.
- 5.1.3. უარი განაცხადოს ხელშეკრულების პირობების შესრულებაზე იმ შემთხვევაში, თუ მიმწოდებელი დაარღვევს ხელშეკრულებით ნაკისრ ვალდებულებებს ან მის წინაშე დადგება დაუძლეველი ძალა.

5.2. შემსყიდველი ვალდებულია:

- 5.2.1. უზრუნველყოს წინამდებარე ხელშეკრულების შესაბამისად განსაზღვრული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- 5.2.2. უზრუნველყოს წარმომადგენლის გამოყოფა, რომელიც ზედამხედველობას გაუწევს სადაზღვევო მომსახურების ჯეროვნად განხორციელების პროცესს.
- 5.2.3. შეატყობინოს მიმწოდებელს უტყუარი ინფორმაცია, რომელსაც მნიშვნელობა აქვს სადაზღვევო რისკის სხვისა და ხარისხის განსაზღვრისათვის;

5.3. მიმწოდებელი უფლებამოსილია:

- 5.3.1. მოსთხოვოს შემსყიდველს მიწოდებული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 5.3.2. კანონით დადგენილი წესით განაცხადოს უარი ხელშეკრულების შესრულებაზე ან მის გაგრძელებაზე, შემსყიდველის მიერ სახელშეკრულებო პირობების შეუსრულებლობის გამო.
- 5.3.3. გასცეს სადაზღვევო ანაზღაურება დამდგარი ზარალის სადაზღვევო თანხის ჯამურ სადაზღვევო თანხასთან შეფარდების პროპორციულად, იმ შემთხვევაში, თუ ასანაზღაურებელი სადაზღვევო შემთხვევა დაზღვეულია სხვა სადაზღვევო პოლისით.



5.4. მიმწოდებელი ვალდებულია:

- 5.4.1. გასცეს სადაზღვევო პოლისი შემსყიდველის მიერ ხელშეკრულების დადებიდან 5 სამუშაო დღის ვადაში, უზრუნველყოს სადაზღვევო ვალდებულების შესრულება ხელშეკრულების ხელმოწერისთანავე;
- 5.4.2. დანიშნოს სადაზღვევო მომსახურების ხარისხზე პასუხისმგებელი პირი - დაზღვევის კოორდინატორი.

6. ხელშეკრულებით ნაკისრი ვალდებულებების შესრულების ინსპექტირება

- 6.1. ხელშეკრულებით ნაკისრი ვალდებულებების შესრულების ინსპექტირებას განახორციელებს ეკონომიკური დეპარტამენტის უფროსი სპეციალისტი - მაია ბოკუჩავა.
- 6.2. ინსპექტირება გულისხმობს მიმწოდებლის მიერ ხელშეკრულების პირობების შესრულების და/ან გაწეული მომსახურების ხარისხის კონტროლს.
- 6.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

7. პირგასამტებლო ხელშეკრულების პირობების შეუსრულებლობისათვის

- 7.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეს დაეკისრება პირგასამტებლო ყოველ გადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.
- 7.2. იმ შემთხვევაში, თუ დაკისრებული პირგასამტებლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტებლოს ანაზღაურება.
- 7.3. პირგასამტებლოს გადახდა არ ათავისუფლებს მხარეს ძირითადი ვალდებულებების შესრულებისაგან.

8. ხელშეკრულებაში ცვლილების შეტანა და ხელშეკრულების შეწყვეტა

- 8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 8.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 8.5. მხარე ვალდებულია 8.4 პუნქტით გათვალისწინებული გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 8.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.



9. სუბროგაციის უფლება

9.1. სადაზღვევო ანაზღაურების გაცემის შემდეგ მზღვეველზე გადადის სუბროგაციული ანაზღაურების მოთხოვნის უფლება, რომელიც დაზღვევს/მოსარგებლეს გააჩნია ზიანზე პასუხისმგებელი პირის მიმართ.

9.2. დაზღვევი/მოსარგებლე ვალდებულია ხელი შეუწყოს და გადასცეს მზღვეველს ყველა მასთან არსებული დოკუმენტი ანდა მის ხელთ არსებული ინფორმაცია და ხელი არ შეუშალოს მზღვეველს ამ მუხლით განსაზღვრული უფლების რეალიზებაში.

9.3. დაზღვევის/მოსარგებლის მიერ წინამდებარე მუხლით ნაკისრი ვალდებულებების შეუსრულებლობის შემთხვევაში მზღვეველს უფლება აქვს უარი თქვას სადაზღვევო ანაზღაურების გაცემაზე ან მოითხოვოს გაცემული თანხის უკან დაბრუნება.

10. დაუძლეველი ძალა

10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

10.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

11. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა

12.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2018 წლის 31 იანვრის ჩათვლით.

12.2 ხელშეკრულებით გათვალისწინებული სადაზღვევო მომსახურების მიწოდება განხორციელდება ხელშეკრულების დადების დღიდან - 2017 წლის 31 დეკემბრის ჩათვლით.

13. სხვა პირობები

13.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

13.2. ხელშეკრულება შედგენილია ქართულ ენაზე, 3 (სამი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი ცვლილება შესრულებული უნდა იყოს ქართულ ენაზე.



13.3. ყველა დანართი, რომელიც თან ერთვის წინამდებარე ხელშეკრულებას, წარმოადგენს მის განუყოფელ ნაწილს.

13.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

13.5. დანართი N1 (დაზღვევის პირობები), დანართი N2 (ფასების ცხრილი - ხარჯთაღრიცხვა) და დანართი N3 (გადახდის გრაფიკი) თან ერთვის ხელშეკრულებას და წარმოადგენს მის განუყოფელ ნაწილს.

შემსყიდველის რეკვიზიტები:

სახელწოდება: საქართველოს საკონსტიტუციო სასამართლო

იურიდიული მისამართი: ქ. ბათუმი, კ. გამსახურდიას 8-10

საიდენტიფიკაციო კოდი: 203840175

სახელწიფო ხაზინა

ბანკის კოდი TRESGE22

ანგ. ნომერი GE24NB0330100200165022

ტელეფონის ნომერი: 276649

ეკონომიკური დეპარტამენტის

უფროსის მოადგილე: მერაბ ჯოჯუა



მიმწოდებლის რეკვიზიტები:

იურიდიული ფორმა და დასახელება: სს „სადაზღვევო კომპანია ალფა“

იურიდიული მისამართი: ქ. თბილისი, ალ. ყაზბეგის გამზ. N16;

საიდენტიფიკაციო კოდი: 204 568 896

მომსახურე ბანკის დასახელება: სს „თიბისი ბანკი“

ბანკის კოდი: TBCBGE22


ანგარიშის ნომერი: GE53 TB11 0263 6080 1000 03

ტელეფონის ნომერი: (+995 32) 2640 640

ელ. ფოსტა: insurance@alpha.ge

სს „სადაზღვევო კომპანია ალფა“-ს

გენერალური დირექტორი: კახაბერ დიასამიძე



სადაზღვევო პირობები

ტერმინთა განმარტება

- დამზღვევი - პირი, რომელმაც გააფორმა დაზღვევის ხელშეკრულება "მზღვეველთან";
- მზღვეველი - სს "სადაზღვევო კომპანია ალფა";
- მოსარგებლე - პირი, რომელიც უფლებამოსილია მიიღოს სადაზღვევო ანაზღაურება დაზღვევის ხელშეკრულების საფუძველზე;
- სადაზღვევო პოლისი - დაზღვევის დამადასტურებელი საბუთი, რომელიც დამზღვევს/მოსარგებლეს უფლებას აძლევს სადაზღვევო შემთხვევის დადგომისას მოითხოვოს სადაზღვევო ანაზღაურება;
- სადაზღვევო პერიოდი - დაზღვევის მოქმედების ვადა, რომელიც მითითებულია პოლისში (დაწყების და დასრულების თარიღების ჩათვლით);
- სადაზღვევო თანხა/ანაზღაურების ლიმიტი - სადაზღვევო პერიოდის განმავლობაში ასანაზღაურებელი თანხის მაქსიმალური ლიმიტი, რომელიც მითითებულია სადაზღვევო პოლისში;
- ფრანშიზა - ზარალის თანხის ნაწილი, რომელიც მზღვეველის მიერ არ ანაზღაურდება;
- ტერიტორიული არეალი - საქართველო, სომხეთი, აზერბაიჯანი, თურქეთი;
- სადაზღვევო შემთხვევა - წინამდებარე პირობებით გათვალისწინებული შემთხვევა, რომლის შედეგადაც დამდგარი ზარალი ექვემდებარება ანაზღაურებას. სადაზღვევო შემთხვევად განიხილება დაზღვევის მოქმედების პერიოდში მომხდარი, დაზღვეული რისკის დადგომის შედეგად დამდგარი ზარალი;
- უფლებამოსილი მძღოლი - ავტომობილის მართვის უფლების მქონე საკონსტიტუციო სასაზღვროს თანამშრომელი.
- სრული ზარალი - შემთხვევა, როდესაც ავტომანქანის აღდგენის ღირებულება შეადგენს სადაზღვევო შემთხვევის დადგომისას სადაზღვევო თანხის 70%-ს ან მეტს ან ავტომანქანა გატაცებულია და მისი პოვნა ვერ მოხერხდა.

მუხლი 1. ავტოსატრანსპორტო საშუალების დაზღვევა

1.1. ავტოსასკო:

ავტომობილის დაზღვევა ითვალისწინებს:

- ავტოსაგზაო შემთხვევა;
- ქურდობა, ყაჩაღობა;
- ხანძარი, აფეთქება;
- მესამე პირთა ბოროტგანზრახული ქმედება, ვანდალიზმი, საგნების ვარდნა;
- სტიქიური მოვლენები - წყალდიდობა, დიდთოვლობა, გრიგალი, ქარიშხალი, ატმოსფეროში ბუნებრივი პროცესებით გამოწვეული ჰაერის მასების მოძრაობა 25 მ/წმ-ზე მეტი სიჩქარით, სეტყვა, მეწყერი, ღვარცოფი;
- მინების, სარკეების, დეტალებისა და აქსესუარების ცალკეული დაზიანება ან/და ქურდობა; (წელიწადში ერთხელ 1500 USD-ის (ექვივალენტი ეროვნულ ვალუტაში) ფარგლებში ანაზღაურდება მინების/სარკეების ცალკეული დაზიანება/ქურდობიდან და დეტალების/აქსესუარების ცალკეული დაზიანება/ქურდობიდან წარმოშობილი ზიანი და მიწისძვრით ან სეტყვით მიყენებული დაზიანებისაგან წარმოშობილი ხარჯი 100%-ით).
- სადაზღვევო შემთხვევისას დაზღვეული ავტოსატრანსპორტის ევაკუაცია.
- ხარჯები, რომლებიც გამოწვეულია სადაზღვევო შემთხვევის შედეგად დაზიანებული დაზღვეული ავტომობილის ავტოსადგომზე დაყოვნებასთან.
- ფრანშიზა 0 (ანაზღაურება 100%)
- სადაზღვევო შემთხვევასთან დაკავშირებულ სასწრაფო სამედიცინო მომსახურების ხარჯების ანაზღაურება.

1.2. სადაზღვევო ანაზღაურება:

ა) ნაწილობრივი ზიანისას - ავტომობილის აღდგენის ღირებულებას გამოკლებული პოლისით გათვალისწინებული ფრანშიზის ოდენობა. დაზიანებული ავტომობილის შეფასება-აღდგენა მოხდება დამზღვევისა და მზღვეველის ურთიერთშეთანხმებით. დაზიანებული ავტომანქანის შესაკეთებლად მზღვეველი გამოიყენებს მხოლოდ ახალ სათადარიგო ნაწილებს (ნაწილის შერჩევა ხდება შემსყიდველთან შეთანხმებით). მეორადი ნაწილების გამოყენება დასაშვებია მხოლოდ შემსყიდველთან შეთანხმების შემთხვევაში.


ბ) სრული ზარალის შემთხვევაში, ასანაზღაურებელი თანხა განისაზღვრება: პოლისით გათვალისწინებულ სადაზღვევო თანხას გამოკლებული:

- სადაზღვევო პოლისში მითითებული ფრანშიზა,
- სადაზღვევო პერიოდში ანაზღაურებული ზარალის მოცულობა,
- სადაზღვევო პრემიის დარჩენილი ნაწილი.

თუ ავტომანქანის სადაზღვევო ღირებულება სადაზღვევო შემთხვევის დადგომის მომენტისათვის მეტია ავტომანქანის საბაზრო ღირებულებაზე, მზღვეველი უფლებამოსილია სადაზღვევო ანაზღაურების გადახდა ჩაანაცვლოს ანალოგიური სატრანსპორტო საშუალებით.

1.2.1. სრული ზარალის შემთხვევაში, დამზღვევთან შეთანხმებით, მზღვეველი უფლებამოსილია, სადაზღვევო თანხის ფარგლებში, სადაზღვევო ანაზღაურების გადახდა ჩაანაცვლოს ანალოგიური სატრანსპორტო საშუალების გადაცემით.

1.2.2. სრული და/ან ნაწილობრივი ზარალის შემთხვევაში, მიწოდების მიერ სადაზღვევო ანაზღაურების გადახდის შემდგომ,



შემსყიდველი იღებს ვალდებულებას გადასცეს განადგურებული ავტომანქანა (იმ შემთხვევაშიც, თუ მოხდა გატაცებული ავტომანქანის პოვნა) / შეცვლილი ნაწილები მზღვევლის საკუთრების უფლებით.

1.2.3 სრული ანაზღაურების შემთხვევაში, სადაზღვევო ანაზღაურების გადახდის შემდეგ ამ ავტოტრანსპორტის მიმართ ხელშეკრულება წყდება, უქმდება სადაზღვევო პოლისი, ხოლო გადახდილი სადაზღვევო პრემია დამზღვევს არ უბრუნდება.

1.3. დამატებითი პირობები

1.3.1. დაზღვეული ავტომანქანის გასხვისებისას დამზღვევი ვალდებულია შეატყობინოს მზღვევლს აღნიშნულის შესახებ არაუგვიანეს გასხვისებიდან 5 (ხუთი) სამუშაო დღისა. წინააღმდეგ შემთხვევაში მზღვეველი თავისუფალია სადაზღვევო ანაზღაურების გადახდისაგან, ხოლო დამზღვევს რჩება სადაზღვევო პრემიის გადახდის ვალდებულება წინამდებარე ხელშეკრულებითა და სადაზღვევო პოლისით გათვალისწინებული პირობებით.

ანალოგიური პირობა მოქმედებს დაზღვეული ავტომანქანის დროებით სარგებლობაში (იჯარა, ქირავნობა) გადაცემისას.

1.3.2. ავტომანქანის გასაღების დაკარგვისას დამზღვევი ვალდებულია დაუყოვნებლივ შეატყობინოს მზღვევლს აღნიშნულის შესახებ და ასევე უზრუნველყოს ავტომანქანის უსაფრთხო ადგილას გადაყვანა აღნიშნული პრობლემის მოგვარებამდე. წინააღმდეგ შემთხვევაში, მზღვეველი იხსნის პასუხისმგებლობას ავტომობილის გატაცებისას ზიანის ანაზღაურებაზე.

მუხლი 2. ავტომანქანის მფლობელის მესამე პირის წინაშე სამოქალაქო პასუხისმგებლობის დაზღვევა (MTPL) წლიური ლიმიტი 10000.00 ლარი; ფრანშიზა 0

2.1 თუ უბედური შემთხვევა გამოწვეულია დაზღვეული ავტოტრანსპორტით, რამაც თავის მხრივ გამოიწვია მესამე პირის გარდაცვალება, ჯანმრთელობის დაზიანება ან/და რაიმე სახის ქონებრივი ზარალი, მზღვეველი ხელშეკრულებაში/სადაზღვევო პოლისში განსაზღვრული ლიმიტის ფარგლებში აუნაზღაურებს წინამდებარე პირობებით გათვალისწინებულ პასუხისმგებლობის ხარჯებს იმ პირს (მის კანონიერ წარმომადგენელს), რომელსაც ეხება დაზღვევა.

2.2 ამ დაზღვევით იფარება დამზღვევის პასუხისმგებლობა, ანაზღაურის დაზღვეული ავტომანქანით მიყენებული ზიანი იმ ოდენობით, რომელიც განისაზღვრება საქართველოს კანონმდებლობით, ხელშეკრულებით/პოლისით, თუ ამ დროს ადგილი აქვს:

- ა) მესამე პირის გარდაცვალებას ან ჯანმრთელობის დაზიანებას;
- ბ) მესამე პირის ქონების დაზიანებას.

2.3 სადაზღვევო თანხის ფარგლებში მიმწოდებელი გადაიხდის დაზარალებულისათვის გადაუდებელი სამედიცინო დახმარების ხარჯებს შესაბამისი ფინანსური და სამედიცინო დოკუმენტების დედნების წარდგენის საფუძველზე.

2.4 დამზღვევი იღებს ვალდებულებას უზრუნველყოს ხელშეკრულებით გათვალისწინებული მოქმედება შემთხვევის დადგომისას და ასევე, უზრუნველყოს მესამე პირის ქონების და/ან სიცოცხლისათვის/ჯანმრთელობისათვის ზიანის მიყენებასთან დაკავშირებული ყველა სახის ინფორმაციის და დოკუმენტაციის წარდგენა მზღვეველისათვის. აუცილებლობის შემთხვევაში მზღვეველი უფლებამოსილია დამზღვევისგან/დაზარალებულისაგან მოითხოვოს დამატებითი ინფორმაცია/დოკუმენტაცია.

2.5 თუ ერთი შემთხვევის შედეგად დაზარადა რამდენიმე პირი, ხოლო დაზღვეულზე დაკისრებული ჯამური პასუხისმგებლობის ოდენობამ გადააჭარბა პოლისში მითითებულ ლიმიტს, ანაზღაურებას თითოეული მხარე მიიღებს პროპორციულად (მისი ზარალის წილის შესაბამისად საერთო ზარალში).

2.6 მზღვეველი უფლებამოსილია, ანაზღაურების გაცემისთვის მოითხოვოს დამზღვევისგან მესამე პირისთვის მიყენებული ზიანის ანაზღაურების თაობაზე კანონიერ ძალაში შესული სასამართლო გადაწყვეტილება.


მუხლი 3. მძღოლისა და მგზავრების უბედური შემთხვევისაგან დაზღვევა (MPA)

3.1 მძღოლისა და მგზავრების უბედური შემთხვევისაგან დაზღვევის პირობების შესაბამისად ანაზღაურებას ექვემდებარება მატერიალური ზიანი, რომელიც გამოწვეულია ავტოსაგზაო შემთხვევის შედეგად დაზღვეული ავტოტრანსპორტის ექსპლუატაციისას უფლებამოსილი მძღოლის და/ან მისი მგზავრების ჯანმრთელობის დაზიანებით/გარდაცვალებით.

3.2 მზღვეველი აუნაზღაურებს შესაბამისი სადაზღვევო პოლისით გათვალისწინებულ სადაზღვევო ანაზღაურებას იმ პირს (ან მის სრულუფლებიან კანონიერ წარმომადგენელს), რომელსაც ეხება დაზღვევა ამ პირობების შესაბამისად.

3.3. სადაზღვევო შემთხვევის დადგომისას მზღვეველი იხდის ანაზღაურებას ქვემოთ მითითებული საკომპენსაციო ცხრილის მიხედვით:

სადაზღვევო რისკი	სადაზღვევო ანაზღაურება (გამოითვლება ყოველ/თითოეულ დაზღვეულზე გათვალისწინებულ სუბლიმიტიდან, %)
გარდაცვალება	100 %
ქმედობაუნარიანობის ხარისხის შეზღუდვა:	
მკვეთრად გამოხატული ქმედობაუნარიანობის შეზღუდვა	100 %
მნიშვნელოვნად გამოხატული ქმედობაუნარიანობის შეზღუდვა	75 %




სს "სადაზღვევო კომპანია ალფა"

#	ავტომობილების დასახელება	გამოშვების წელი	ძრავის მოცულობა	სადაზღვევო ღირებულება	სადაზღვევო პერიოდი	სადაზღვევო პრემია	
						ყოველთვიური	წლიური
1	ტოიოტა ლენდ კრუიზერ LC-200	2016	4.5 T/D	176,150.00	ხელშეკრულების გაფორმებიდან - 2017 წლის 31 დეკემბრის ჩათვლით.	537.50	5,375.00
	სულ			176,150.00		537.50	5,375.00

კახაბერ დიასამიძე

გენერალური დირექტორი



მერაბ ჯოჯუა

ეკონომიკური დირექტორი



მარია დეგიალე

დანართი N3

ანგარიშსწორების გრაფიკი

სადაზღვევო შენატანის (პრემიის) გადახდა მოხდება უნაღდო ანგარიშსწორების გზით, ეროვნულ ვალუტაში, კვარტალურად, კვარტლის ბოლოს მზღვეველის მიერ მომსახურების ღირებულების დამადასტურებელი დოკუმენტის (ინვოისი, ურთიერთშედეგების აქტი) წარმოდგენიდან 10 დღის ვადაში:

1. პირველი გადახდა - 537.50 (ხუთას ოცდაჩვიდმეტი ლარი და 50 თეთრი) ლარი.
2. მეორე გადახდა - 1 612.50 (ერთი ათას ექვსას თორმეტი ლარი და 50 თეთრი) ლარი.
3. მესამე გადახდა - 1 612.50 (ერთი ათას ექვსას თორმეტი ლარი და 50 თეთრი) ლარი.
4. მეოთხე გადახდა - 1 612.50 (ერთი ათას ექვსას თორმეტი ლარი და 50 თეთრი) ლარი.

მხარეთა რეკვიზიტები და ხელმოწერები

„შემსყიდველი“

საქართველოს საკონსტიტუციო სასამართლო

იურიდიული მისამართი: ქ. შათუმი, ვ. გამსახურდიას 8

ს/კ 203840175 სახელმწიფო ხაზინა

ბანკის კოდი 220101222 ანგ. N GE24NB0330100200

ეკონომიკური დეპარტამენტის

უფროსის მოადგილე: მერაბ ჯოჯუა



მიმწოდებლის რეკვიზიტები:

სს „სადაზღვევო კომპანია ალფა“

იურიდიული მისამართი: ქ. თბილისი, ალ. ყაზბეგის გამზ. N16;

ს/კ 204 568 896

მომსახურე ბანკის დასახელება: სს „თიბისი ბანკი“

ბანკის კოდი: TBCBGE22

ანგარიშის ნომერი: GE53 TB11 0263 6080 1000 03

გენერალური დირექტორი: კახაბერ დიასამიძე

